

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Sektor za javna preduzeća i javne ustanove**

Broj: 19-45-12658/22
Zenica, 10.06.2022. godine

STRUČNA SLUŽBA GRADSKOG VIJEĆA

PREDMET: Izvještaj o radu JP "Parking servis" d.o.o. Zenica za 2021. godinu

Sektor za javna preduzeća i javne ustanove u ime Skupštine razmotrio je Izvještaj o poslovanju JP "Parking servis" d.o.o. Zenica za 2021. godinu sa pripadajućim setom izvještaja. Nakon analize dostavljenih dokumenata, Sektor konstatuje:

U 2021. godini JP "Parking servis" d.o.o. Zenica je zastupao direktor Nisvet Hukić, dipl. oec., dok su funkciju Nadzornog odbora do 08.02.2021. godine Zoran Marković, Inela Karić i Indira Krujezi, a od 08.02.2021. godine tu funkciju obavljaju Almira Baručija Kapidžić, Indira Krujezi i Ivan Kolak. 27.08.2021. godine Ivan Kolak je razriješen sa navedene funkcije, na lični zahtjev. Do okončanja konkursne procedure, kao privremeni član Nadzornog odbora imenovan je Denis Kulenović. Po okončanju konkursne procedure, 11.11.2021. godine za člana odbora imenovana je Jasminka Biogradlija.

Osnovna djelatnost Društva jeste upravljanje i gazdovanje parking prostorima. Pružanje usluga ostvaruje se u skladu sa Odlukom o organizaciji i načinu naplate parkiranja i Odlukom o organizaciji i sigurnosti saobraćaja na cestama. Preduzeće raspolaže sa ukupno 719 parking mjesta i 314 garaža.

Preduzeće je na dan 31.12.2021. godine zapošljavalo 36 radnika na neodređeno vrijeme.

U periodu 01.01. do 31.12.2021. godine ostvareni su ukupni prihodi u iznosu 1.436.021 KM i veći su za 14,98% (187.116 KM) u odnosu na isti period prethodne godine. Od ukupnog iznosa ostvarenih prihoda, 95,39%, odnosno 1.369.850 KM, ostvareni su pružanjem usluga na tržištu, tj. predstavljaju prihode od prodaje. Najznačajniji prihodi su:

- prihod od naplatnih parkirališta 742.944,00 KM,
- prihod od iznajmljivanja garaža 121.397,00 KM,
- usluge izrade/ugradnje horizontalne i vertikalne saobraćajne signalizacije 97.986,00 KM,
- izmještanje nepropisno parkiranih vozila 72.914,00 KM.

Ukupni rashodi u izvještajnom periodu iznose 1.214.520 KM, te su za 0,13% veći od rashoda nastalih u 2020. godini. Troškovi plaća radnika u ukupnom rashodu učestvuju sa 68,11% (827.230 KM).

Ostvaren je pozitivan finansijski rezultat, odnosno neto dobitak u iznosu 198.899,00 KM.

Na dan 31.12.2021. godine stanje potraživanja, novčanih sredstava i obaveza iznosi:

- Kratkoročna potraživanja (kupci) 40.584 KM
- Novčana sredstva 175.004 KM
- Kratkoročne obaveze (dobavljači) 10.844 KM

Preduzeće je likvidno i može pravovremeno izvršavati obaveze iz vlastitih sredstava. Stanje dugoročnog kredita na kraju 2021. godine iznosi 366.564 KM.

Reviziju finansijskih izvještaja je obavilo Društvo za reviziju „RE-controlling“ d.o.o. Zenica, te su dali pozitivno mišljenje na iste. Naglasili su da izvještaji daju istinit i fer prikaz finansijskog položaja Društva, finansijsku uspješnost, i novčane tokove za 2021. godinu, te su u skladu sa Međunarodnim standardima finansijskog izvještavanja i računovodstvenim propisima koji se primjenjuju u FBiH.

U 2021. godini Nadzorni odbor je održao 8 sjednica na kojima je razmatrao različita pitanja iz svoje nadležnosti. Kontinuirano je razmatrao mjesečne i periodične izvještaje o poslovanju Preduzeća. Svojim odlukama su usvojili Izvještaj o poslovanju i Izvještaj nezavisnog revizora za godinu koja je završila 31.12.2021. godine.

Služba za vodoprivredu, putnu infrastrukturu i mjesne zajednice je dala pozitivno mišljenje na priloženi Izvještaj o poslovanju, na poslovni odnos Službe sa Preduzećem i Upravom, te istakla kvalitetno, i u skladu sa pravilima struke ispunjavanje ugovornih obaveza prema Gradu Zenica.

Sektor za javna preduzeća i javne ustanove dostavlja Izvještaj o poslovanju Javnog preduzeća “Parking servis” d.o.o. Zenica za period 01.01. – 31.12.2021. godinu, sa pratećim izvještajima, Gradskom vijeću na dalje razmatranje i odlučivanje.

PRILOZI:

1. Izvještaj o radu JP “Parking servis” d.o.o. Zenica za 2021. godinu, sa Odlukom Nadzornog odbora o usvajanju istih,
2. Finansijski izvještaji za godinu koja je završila 31. decembra 2021. godine i Izvještaj nezavisnog revizora, sa Odlukom Nadzornog odbora o usvajanju istih,
3. Izvještaj o radu Nadzornog odbora JP “Parking servis” d.o.o. Zenica za 2021. godinu, sa ocjenom rada direktora,
4. Prijedlog raspodjele dobiti za 2021. godinu, sa Mišljenjem Nadzornog odbora o istom.

S poštovanjem,

Šefica sektora za
javna preduzeća i javne ustanove
Mia Pojskić

Mia Pojskić

DOSTAVLJENO:

1x Naslov

1x a/a

